

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.3. Ejusdem, in visendis locis passione filij consecratis, animi studium ac
devotio.

[urn:nbn:de:hbz:466:1-47123](#)

Neque prætermittendum hoc loco, quod et si minimè per se dubium esse poterat, tamen à Sophronio Jerosolymorum Patriarcha aliisque Patribus memoriarum proditum acceptimus: ipsam Dei Matrem, post filij sui in cœlum ascensum, loca quæ is suis doloribus atque sanguine consignasset ac consecrasset frequenter convisere atque obire solitam. Qua *Serm. de Af.* de re S. Hildephonus: *Si scire velimus* (inquit) *quid Dni Ge-*
sūmpt. B.M. *nītrix post Resurrectionem Domini, ante quam ipse cœlos ascen-*
deret, agebat: sine dubio loca Dominicæ Nativitatis, Passio-
nīt, sepultura & Resurrectionis frequenter circumiens invisi- cū-
piebat. In ijsdem etiam locis lacrymas fundebat, & sanctissimi
oris sui oscula imprimebat. Deinde ad notum sibi refugium,
Apostolicum contubernium, cum gaudio remeabat. Et Joa-
nnes Gerson tractatu 2. super Magnificat, loquens in persona
discipuli; Puto (inquit) quod post passionem filij sui B.Mater
eius crucem crebro fuerit amplexata, omniaq. loca ubi steterunt
sacri pedes ejus, sedula deoculatione coluerit. At generalius
L. 6. c. 61. ipsamet Virgo apud S. Birgittam: Omnit tempore (inquit) quo
post Ascensionem filij mei vixi, visitavi loca in quibus ipse passus
est, & mirabilia sua ostendit.

§. 3.

Ejusdem, in visendis locis passione filij consecratis, animi, studium ac devotio.

ad ann. Dō. **E**rgo dolori amore suo sive levamen sive pabulum, quæstura, aut S. Ioanne (ut in Flavio Dextro legitur) aut cognatis matronis puellisve familiaribus comitata, exhibat nunc orientem versus, & torrentem Cedron prætergressa, diverrebat primum in villam Gethsemani, & horrum illum, primam dolorum filij sui palæstram ingrediens, & ad comites benignè conversa: Hic ille est, ajebat, faralis hortus, scena horroris atque angoris; ubi Jesus meus tristitia, r-
 dio,

dio, mærore, pavore oppressus, non leviter tormento supremis doloribus proluserit. Iste (extra hortum) reliqui constitueret discipuli. Hic tres illi Christo magis intimi, mæstitia graves & somno oppressi jacuere. Ipse ad hanc specum (& simul illorum deducebat comites suos) ipse ad hanc specum, positis genibus, & mox in faciem suam procidens, inter animi sui tristes angores, prolixius oravit Patrem, & hoc ecce solum, hos cespites cruento sudore suffudit. Quibus in vocibus, cum, ipsa rei atrocitate, non nihil commoveretur animo, vocemque fortassis dolor ac singultus intercluderet; hortatu comitum, tantisper corpus deponebat in gramine, tum dolori suo ac suspirijs moram aliquam, tum lassis artubus quietis non nihil indulta.

Exinde digressa, cum sub horti exitum, filij sui ad hostes occursum indignaque vincula, & proditoris discipuli fatum infelix, nec sine gemitu, commeminisset; conscenso clivo Olivarum, evadet in montis verticem; locum illum Christi in cælum ascensu nobilem, ex intervallo revisura. Quod postquam denique perventum erat: Hic vero, ajebat, ille locus est, ex quo dilectus meus, post supremam mortuam faustasque precationes, inter omnium qui aderamus mixta lacrymis gaudia, in cælum iter intendit; aspectantiusque, ac quoad longè licuit prosequentium, oculis erexitus, istac que videtis impressa rupi, pedum suorum vestigia, ad rei memoriam & solatium nostrum reliquit. Igitur una cum comitibus humi provoluta, dissolvabatur insculptas saxo vestigiorum notas, iisdemque pio ploratu resperfis, velut amabilis maternæ pietatis officio perfuncta, ad ædes suas & gratam sibi solitudinem revertebat.

Alias autem, idque frequentius, Occidentem versus intendens, consernedebat montem Calvariae, iustratura locos tantarum mysteriorum testes; & filij sui supremo labore, morte, sepulcro insignitos: pioque studio dilecti sui vestigia relegens,

K

relegens,

ROY

40410
7-500

relegens, quid quoque loco gestum fuisset, aut tacitā secum cogitatione retractabat, aut suis à latere Virginibus commemorabat. Itaque ab ipso principio viam, qua de Prædis prætorio in Calvariam itur, insistens: Eheu! hæc (ajebat) bjurans sibi crucem, cum hominum turba infinita, egressus est afflictissimus *Iesus* meus. Hoc ille calce anhelus ac gemens, & (ut est via hæc faxis aspera, eratque crucis immane pondus, & ipse exhaustus ac defectus viribus) vix peditibus insistens, & gressu non semel lapsante, contendit. Atque in eo quem mox monstrabo loco, oneri denique plenè succumbens, toto in terram concidit corpore; ipsaque prolapsione & crucis allisu, apertis renovatisq; plagiis, locum erumpente de sacris venis cruore signavit.

Inde porrò non nihil progressa, & post paulò subsistens; Hic verò locus est (inquietabat cum gemitu) quo ego illum, cum euntem persequerer, demum assecuta, & (prout efficax est maternus amor) per obstantem lictorum turbam ad eum penetrans; heu! illum denique sub cruce incurvum, dejecto vultu, liventibus genis, oculis sanguine oppletis, facie omni defecta ac deformata, vix ut agnosciri posset (sed quo meo, putatis, quo ipsius dolore!) conspexi: cum ille vicissim adversis ad me luminibus, mæstam mæstus aspiceret, & ore nihil, multa oculis, plura corde loqueremur. O occursum tristem! ò diem illam utrique nostrum luctuosam atque acerbam! Ad extrellum obiter monstrato loco, ubi vel mulieres super se plorantes affatus esset, vel à Berenice accepto velo sui vultus effigiem prodigiosè impressisset, summa denique Calvarij juga non sine labore supererabat. Atque hic plusculum & moræ ponebat & opera; cum vel ad locum crucis & mortis nati sui consistens, quid ille quilibet temporis puneto, aut passus aut effatus esset, in memoriam repeteret; vel loca signaret, quibus ipsa locis, sive filio mortienti astitisset, sive exanimem & crucis depositum, triste simul

simil ac dulce pondus, mæsto gremio complexa esset; vel
denique vicinâ in rupe, sepulcrum ejus gloriosum, religiosè
conviseret. Jamq; dolorem ac luctum renovante locorum
conspictu, singula loca perfundebat lacrymis, & modò illis
adoluta, pijs osculis donabat; modò ad illa considens, eo-
rum quæ istuc gesta essent contemplationi insistebat; vix ut
dentiq; posset avelli.

Nam in Christi Matrem certius sanè conveniant, que
in re simili scribit de S. Paulâ S. Hieronymus: *Prostrata ante Ep. 27.6.7d*
trucem, quâsi pendente Domînum cerneret, adorabat. In-
gressa sepulcrum resurrectionis, osculabatur lapidem, quem ab
ostio monumenti amoverat Angelus: & ipsum corporis locum i-
n quo Dominus jacuerat, quâsi sitiens desideratas aquas, fideli-
tatem lambebat. Quid ibi lacrymarum, quantum gemitum, &
quid doloris effuderit, testis est cuncta Ierosolyma, testis est ipse
Dominus quem rogabat. Quos itidem pios animi sensus &
illa indicat epistola; quam Paula ipsa & Eustochium, Hiero-
nymo dictante scripsere ad Marcellam, eam invitantes ut in
Bethlehem venias; ubi hæc inter cetera: *Ergone erit illa dies, Ep. 17.1*
quando nobis liceat speluncam Salvatoris intrare, in sepulcro
Domini flere cum sorore, flere cum matre; crucis deinde lam-
bere lignum, & in Oliveti monte cum ascendentem Domino, voto
& animo sublevari, &c.

Harum igitur exercitationum pià vicissitudine Dei Ma-
ter solabatur orbitatem suam, vitæ moras, exilioj tædia; &,
uti Sponsa ex Canticis, cor amore languens, dilectiq; sui de-
siderio & expectatione deficientem animam, rerum quas in
vita ille fecisset prorulislétre, memoriam, velut aurâ florum,
odoratorumq; malorum spiritu fulciebat ac sustentabat.

Sed diu me tenet istius argumenti svavitas. Finiam-
igitur, si verbo addidero: Passionis filij sui memoriam, non
tantum Virgini in terris degenti fuisse familiarissimam; sed
etiam eidem in cælo ævum agenti cum filio, perpetuò in-

ROY

4p. 1119

T. E. 2. V

143. 1101

17. 1101

17. 1101

17. 1101

p. 3. fin. peccatore habetur: quoniam (ut ait S. Bonaventura) sunt
c. 16. illa stigmata semper erunt in Filii corpore; sic semper in Matris
mense. Quod quidem amplius intelligetur ex jam dicendis.

C A P V T XII.

Hanc fore perennem jucundamq; Sanctorum in
cælo occupationem.

§. I.

Circa Christum ejusq; vulnera, Sanctorum in cælo
sensus prædulces.

ps. 88. N Eque ad id, de quo nunc agimus, minimo nobis stimula-
lo & incitamento esse debet: quod (ut piè & cum ra-
tione meditari possumus) hoc quoque futurum sit perenne
& assiduum exercitium Beatorum; post superata Salvatoris
ope ac passionis ejus meritis, mortalis vita pericula, miseri-
cordias Domini æterno cantico celebrantium..

Apoc. 1. § 5. Nam si pars magna illius felicitatis erit, agnoscere ac
demirari vias, quibus quemque D e s s, occultâ sed fortis
certaq; providentiâ, ad portum denique æternæ salutis de-
duxerit: non minus dulce erit scrutari ac recognoscere, quo
tanquam ex fonte provenerint illis bona omnia; Christi
nimirum Salvatoris merita, modosq; admirabiles, quibus
illam nostræ salutis œconomiam dispensarit atque imple-
verit. Enimvero (ut non obscurè in Joannis Apocalypsi
adumbratum legimus) D e s solium & Agnum circumstan-
tes, submittent identidem coronas suas, testati se eas tenere
Agni beneficio, qui etiam tum tanquam occisus eorum
oculis obversabitur; & citharis suis, hoc est cordibus
amoris & gratiarum plenissimis, decantabunt illud so-
lenne carmen, quo assidue resonabit aula cælestis: *Dignum*
tum